



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Compendivm Totivs Tractatvs De S. Matrimonij
Sacramento R. P. Thomæ Sanches E Soc. Iesv**

Sánchez, Tomás

Coloniæ Agrippinæ, 1624

3. Seruitus.

urn:nbn:de:hbz:466:1-41559

16 Semen brutorum effundi procurare, nō
est mortale, lib. 9. disp. 46. nu. 15.

Seruitus.

1 Serua ducta à domino, attento iure com-
muñi, non efficitur libera, attento tamen iure
Regni Hispaniæ, eo ipso consequitur liberta-
tem, lib. 7. disp. 20. nu. 11. & 12. Idem dicendū,
si dominus dotalia instrumenta conficiat, tra-
dens ancillam in matrimonium, conscientia ser-
uitutis libero, ibid. nu. 9.

2 Serui sunt in triplici differentia. v.g. qui-
dam sunt veri serui, qui ita sunt domini, ut eos
venudare possit. Alij sunt adscriptitiij, qui gle-
bæ, seu prædio colendo sunt perpetuò addicti,
Alij verò originarij, qui sunt orti ex his adscri-
ptitijs, lib. 7. disp. 19. nu. 1.

3 Error conditionis seruile, quando liber
contrahit cum ancilla, vel libera cum seruo,
reddit irritum matrimonium iure Ecclesiasti-
co, lib. 7. disp. 19. num. 16. Secùs, si seruitus ig-
norata non sit perpetua, sed pro certo tempo-
re concedatur seruo libertas, & in hoc liberta-
tis spatio ineatur matrimon. ibid. à nu. 2. usque
ad 5. Quando autem seruitus non est vera, sed
originaria, aut adscriptitia, non dirimit ma-
trimon. ibid. nu. 9.

4 Coniux seruitutis ignarus potest pro-
pria authoritate detecta seruitute alterius cō-
iugis quoad torum, item quoad habiratio-
nem, si matrimonium est occultū, & parochus
obijt, & testes, & liber amissus, recedere. Item

R 5 quan-

quando matrimonium est publicum, & seruitus notoria, cessante scandalio, & coniugi seruilis conditionis incumbit onus probadi scientiam suæ conditionis in altero, lib. 7. disp. 19. nū. 7. & 8.

5. Validum est matrimonium cum liberta, id est, cum ea, quæ ancilla fuit, iam tamen libertate donata est. Idem de matrimonio inter seruos, vel cum liberis, cognita seruitute. Nec peccat liber ducens ancillas, nec è contra, nec est irregularis. Idem de matrimonio inter infideles cum errore conditionis, nisi alii qua lex eorum illud prohibeat. Idem de matrimonio contracto errore conditionis parisi, aut dignioris. Secùs dicendum de contracto cum ignorantia conditionis seruilis leuissima, & valde crassa, lib. 7. disp. 19. à num. 9. usque ad 24.

6. Seruus, cui pro certo tempore concedi-
tur libertas, est liber in perpetuum, lib. 7. disp.
19. nū. 3.

7. Serui liberi sunt, eos domino colloca-
te in matrimonium cum liberis ignaris seruitutis, & non detegente conditionem. Secùs
dicendum, si uterque est seruus, ut alter liber
conscius seruitutis. Item satis est, ut seruus,
vel ancilla consequatur libertatem, ut domi-
no sciente; & cum dolo tacente conditionem
seruilem, conscientioque, matrimonium illud
ineat cum persona libera seruitutis ignara. Et
in his casibus, in quibus consequitur libertas,
matru-

matrimonium est validum; lib. 7. totū disp. 20.

8. Seruus in iusto domino potest licetē matrimonium contahere. Vnde nec potest à domino impediri, nec tuta conscientia cum punire propter matrimonium, nec potest venundare alij post sponsalia celebrata; secūs si ante, libr. 7. disp. 21. à numer. 11 usque ad 10.

9. Seruus coniugatus, quando cetera sunt paria, potius tenetur satisfacere vxori, quam domino, siue matrimonium sit contractū volente, siue in iusto, siue contradicente domino. Quando autem non sunt paria, tenetur satisfacere illi, cuius necessitas magis virget. Et hoc est accipendum morali modo, & non in rigore physico, lib. 7. disp. 21. num. 15. & 16. Et concedendus est ei locus matrimonij visum, ibid. nu. 17.

10. Vxore libera existente, siue à tempore matrim. siue ex post facto libertatem consequita, & commodè potente sequi virum, potest seruus ubi cunque à domino venundari. Idem de vxore serua existente viro libero. Secūs dicendū quando uterq; coniux est seruus, vel alter liber, & non potest cōmodè sequi alii coniugem. Nisi seruus male moratus sit, ita ut nequeat à domino absq; periculo proprio, vel suarū rerū sustineri, nō in iusto emptore in partibus viciniis. Et nō sufficit, ut possit venundare, nō inuenire pretium iustū, sed requiritur necessitas dicta periculi domini. Itē quādo uterque cōiux seruus est diuersi domini, & diuersa loca.

loca inhabitantis, ita ut mutuo conueniri nequeant, cogendus est alter Dominus per Ecclesiam, vendere alteri volenti emere. Quod si neuter velit, cogendus est alter vendere cuicumque extraneo in parte illa, in qua seruus est; & si nullus inueniatur emptor, emat Ecclesia, vel cogat aliquem, ut emat in loco, ubi seruus est, lib. 7. tota disp. 22.

21 Seruus acquirit ius quoad obligationem naturalem ex promissione a domino sibi facta, vel e contra. Secus quoad ciuilem, lib. 7. disp. 24. nu. 22.

Simonia.

1 Licitum est offerre munera gratis, & absque alio pacto ad caprandam benevolentiam, & inducendum ad Baptismum, & ad religionem, & ad alia opera spiritualia. Item pecunijs auferre impedimenta retardantia a Baptismi susceptione, aut a Religionis ingressu. Item licitum est offerre munera ea lege & pacto, ut is, cui offeruntur, efficiat aliqua opera spiritualia, v. g. ut recipiat Baptismum, ingrediatur religionem, sacramenta frequenter, aut a peccatis recedat, dummodo non dentur in pretium illius operis spiritualis, sed ad inducendum ad illa, libr. 1. disputat. 39. numer. 2. 3.

& 4.

Sodomia.

1 Ex copula sodomitica non oritur affinitas; impedit tamen matrimonium propter criminis enormitatem, lib. 7. disp. 64. nu. 13. & 14.

Spon-